



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

V. Tam mandantes quam malefactores, pro violenta manuum iniectione in clericos, sicut excommunicati sunt euitandi.

**urn:nbn:de:hbz:466:1-15588**

nec etiam excommunicatione notari , dummodo ipsum  
esse clericum ignorarit , & si hoc dubium fuerit, propria  
manu voluerit præstare \* sacramentum.

CAP. II. *Idem abbatii de Nexibus.*

Consuluit nos tuæ discretionis prouidentia , quid tibi  
faciendum sit de his , qui de sæculo fugientes in monaste-  
rium , tuæ religionis habitum suscepereunt , & infra certum  
tempus postmodum confitentur se tale delictum commis-  
se , quod ipso actu sententiam excommunicationis incur-  
rerunt. Hos autem non potes sine licentia summi pontifi-  
cis , nec debes absoluere , sed præsumptionem delinquenti-  
um debita animaduersione punire.

CAP. III. *Idem.*

Porro si aliqui violentas manus in fratres tuos mittunt ,  
& pœnitentia ducti , non conuicti , sed priuatim , sicut af-  
feris a te veniam postulant , eos monere debes propensius  
& inducere , ut his quos læserunt , congrue satisfaciant , &  
apostolico conspectui se præsentent , cum a te vel ab ali-  
quo sine speciali mandato Romani pontificis absolui non  
possint.

CAP. IV. *Idem\* Exonienſi episcopo.*

Nulli autem monachi Templarii se possunt priuilegio  
apostolice sedis tueri , quo minus excommunicatos vitare  
debeant , & pro violenta manuum iniectione in clericos ,  
sicut excommunicatos vitare.

CAP. V.

*Idem Cantuariensi archiepiscopo , & eius suffraganeis.*

Non sine cordis dolore & amaritudine audiuiimus ,  
quod cum viri ecclesiastici per vos aut per alias personas  
ecclesiasticas in ecclesiis secundum statuta Canonum or-  
dinantur : laici vero , qui forte aliquando contra eccl-  
esiasticam ordinationem ex usurpatione consueuerunt in  
periculum suæ salutis habere , in tantam vesaniam & furo-  
rem prorumpunt , quod ecclesiasticos viros canonice in  
ecclesiis ipsis ordinatos multis iniuriis afficiunt , aliquan-  
do affligunt eos verberibus , & interdum etiam , quod est

ANNO  
CHRISTI  
1179. auditu terrible, occidere non verentur. Quoniam igitur quanta sit præsumptio & impietas eorum, qui talia & tam atrocia & nefaria facinora committunt, nemo potest, qui recte sapit, ignorare: ad eos puniendos & castigandos, qui hoc instinctu diabolicae fraudis committunt, spiritalem gladium debetis exercere, & vos ita volumus in eos ecclesiasticae disciplinae rigorem exercere, ut nil videamini omittere, quod aduersus hos ex iuris distinctione fieri possit. Inde est quod fraternitati vestrae, &c. quatenus si qui se in tantam vesaniam & præsumptionem erexerint, quod hac vel alia occasione clericos occidunt, vel occidere faciant, vel aliter violentas manus in eos iniecerint: tam malefactores ipsos, quam illos de quorum mandato id fuerit perpetratum, publice accensis candelis & pulsatis \* campa-  
nias signis, aperte excommunicatos denuntietis, & faciatis sicut excommunicatos deuitari, donec Deo & sanctæ matris ecclesiæ satisfaciant, & cum literis vestris rei veritatem continentibus, ad sedem apostolicam accedant.

C A P. VI. *Idem.*

Grauiter oculos diuinæ maiestatis offendunt, qui religiosos viros indebitis fatigant molestiis, & locum suæ perturbant quietis. Sane a prædecessore nostro sanctæ memoriae papa A. III. in Concilio Lateranensi statutum est, ut qui violentas manus in clericos vel monachos, Hospitalarios, Templarios, mittunt, seu in viros alterius religionis, excommunicationi subiaceant. Nos autem statutum prædecessoris nostri ratum & firmum tenere volentes, fraternitati vestrae, &c. quatenus si qui parochianorum vestrorum in fratres hospitalis Hierosolymitani manus violentas iniecerint, eos publice excommunicatos, appellatione remota, denuntietis, & ab omnibus faciatis cautius euitari, donec prædictis fratribus de illata iniuria congrue satisfaciant, & cum literis episcoporum suorum rei veritatem continentibus, apostolico conspectu se præsentent.

C A P. VII.

*Idem \* Exonienfi episcopo. Pars capituli, Sicut dignum.*

Super eo quod a nobis consilium postulaisti, vtrum si  
Eccc iij